

Nancy Xyooj | Txhawb kev pab Cuam Rau Cov Thawj Coj



Coj caw ntsib Nancy Xyooj, thawj coj ntawm Hmong Innovative Politics (HIP), uas lub hom phiaj yog los tuav kev ruaj khov rau sab kev khiav ua nom ua tswv ntawm tsoom Hmoob thiab ib zej tsoom kwv tij uas tu ncuva kev txhawb nqa kom muaj kev kawm los sib koom cog tswv yim tshiab, tsim kho cov teeb meem ntawm lub zej zog thiab tawm lub hauv paus cog tswv yim sib txhawb kom muaj chaw rhais ruam. Ntawm nod yog nws zaj DabNeeg.

“Yam peb xav tsim tsa kom muaj, peb yuav tsis pom tam sim no tiamsis yeej yuav pom nyob rau kaum lub xyoos tom ntej. Kuv xav koom txoj kev zoo siab thaum kaum lub xyoos ntawd los txog, cim ntsoov tias HIP tau muaj feem nyob rau txoj kev tsim kho rau sab Central Valley thiab nqua hu txhawb tau ib pab thawj coj tshiab uas yuav los coj txoj hauv kev.” - Nancy Xyooj

Coj Caw Nrog Lub Hom Phiaj

Kuv loj hlob nyob rau sab Central Valley, tshwj xeeb nyob rau hauv nroog Merced; kuv yug thiab loj hlob nyob rau nrad. Kuv nyob rau Merced ua ntej ces peb khiav los mus rau ib lub nroog uas me zog hu ua Atwater. Kuv niam thiab txiv yog cov neeg tawg rog uas

yog Southeast Asian Refugees. Kuv txiv yog ib tug tub rog nyob rau qhov Secret War. Lawd khiav tuaj rau teb chaws no tom qab ntsuj rog Nyab Laj ze rau xyoo 1980 thiab muaj kev cia siab tias yuav rov tau pib dua neej los mus ua liaj ua teb thooj li lub neej yav ntuj qub qab thaum tseem nyob rau tej toj roob hauv pes Los Tsuas Teb. Kuv ib txwm piav kuv zaj dab neeg pib ua ntej txog kuv niam thiab txiv vim nkawd khiav tuaj teb chaws no tsis paub ib lo lus Aaskiv thiab twb tseem tsis tau paub ntau txog rau niaj hnuv no. Kuv yog tus yau hlo ntawm peb 10 leej me nyuam; peb tsev neeg coob heev.

Kuv muab saib los, ib txwm kuv yeej tau los mus tawm suab txhawb kuv niam thiab txiv. Thaum kuv noob nyoog muaj 12 xyoos, kuv twb tau los mus txhais lus, noog tej lo lus uas tsis yooj yim thiab tham txog tej nqe lus ntawm kev mob nkeeg uas kuv twb nkag siab tsis meej. Nkawd muaj kev ntseeg thiab cia siab tias ntshe tsoom fwv txoj cai yeej yuav los saib xyuas kav nkawd, tiamsis ib txwm thaum yau los kuv pom tau tias txoj kev ntseeg no tsis muaj li ntawd.

Kuv ib txwm pom tau tias muaj ib sab ntawm kuv uas yeej cia li yoog tau los mus txhawb thiab nqua suab los coj ib tsoom pej xeem sawv daws los nrhiav kev pab cuam ntau yam. Cov uas tawm tswv yim thiab txiav txim txoj cai yeej muaj cuab kav rais tau los ua kev kub ntxhov rau peb ib zej tsoom pej xeem sawv daws. Tej kev cai nom tswv muaj feem rau qee tus dua ntais thiab pab tau qee tus muaj kev nce tes yog vim li no peb yuav tsum paub txog sab kev nom tswv tej cai.

Yog rov muab xav txog, ntau yam tseem tsis tau hloov nyob rau hauv sab Central Valley. Muaj ntau yam kev ntxub ntxaug uas tau nyob ruaj khov ib txheej dhau ib tiam los mus rau tej kev cai uas tseem nyob nres nroos rau hauv Central valley. Yog vim li no kuv thiaj li muaj siab txog lub luag hauj lwm nrhiav kev ncaj ncees rau ib zej tsoom sawv daws thiab soj ntsuam txog kev tu ncuu rau hauv peb lub zej zog; tej yam no ua rau kuv mob siab rau kuv lub luag hauj lwm.

Txoj hauj lwm uas peb ua yog los txhawb cov tub ntxhais hluas txoj kev sawv los ua thawj coj- los muab lub hwv tsam rau cov yau los mus muaj kev coj thiab xav txog tej teeb meem nrog rau tej kev khiav rooj sib tw uas lawd ib txwm muaj nplooj siab tshua txog thiab xav txhawb ntxiv mus.

Lub Hwj Chim Ntawm Kev Pov Npav. Lub Hwj Chim Ntawm Kev Piav Dab Neeg

Lwm yam dej num ntawm peb txoj hauj lwm yog los sib cog tsoom pej xeem sawv daws los mus paub txog teeb meem thiab lawd txoj cai rau kev hloov thiab tsim kho, tsis tas li no xwb los cob qhia txog kev pov npav thiab xaiv tsa uas ib txwm yog HIP lub hom phiaj thaum xub pib xyoo 2012. Peb tau los mus khiav hauj lwm rau sab kev pov npav- xws li peb tau los tshaj tawm cov ntaub ntawv piav qhia txog cov kev xaiv tsa thiab cov cai, tau tsav thiab thauj tej neeg hauv zos mus rau thaj chaw pov npav, peb ntsuam xyuas kom neeg muaj hwv tsam tau txais kev txhais lus thiab kom paub cuv npe pov npam nrog rau paub chaw pov npam nyob twg. Peb nkag siab tias kev pov npav no tseem ceeb heev rau ntau theem kev nom tswv nrog rau peb tus City Council thiab County Supervisors. Thaum peb xav txog lub hwj chim ntawm tej kev nom tswv thiab yuav ua li cas thiaj muaj feem rau peb tej zej zog, peb tso peb lub siab thiab kev xav tas nrho rau qhov hwj chim kev pov npav. Peb yeej ua tas nrho peb lub peev xwm kom tib neeg muaj kev ntseeg rau peb lub Koos haum no.

Qhov xaus nkaus rau peb lub luag hauj lwm no yog siv lub ncauj lo lus los los tsim kev hloov thiab piav tej dab neeg. Yam no yog ib qho uas peb yeej mob siab tshaj nyob rau peb lub luag hauj lwm vim peb pom tau tias peb tsoom Hmoob tseem yuav loj hlob uas tsim nyog peb thawb txuas ntxiv kev pab cuam kom tsuas muaj nce hlav zuj zuj tuaj xwb.

Peb tau los mus siv peb lub niam tswv yim los mus txhawb tsa peb tsoom zej zog kom paub siv lawd lub suab los tsim kom muaj txoj kev hloov zwm tseg cia kom ruaj thiab nyob mus ntev. Muaj ntau yam tau hloov rau peb teg dej num. Peb lub luag hauj lwm lom zem heev thiab kuv txaus siab kawg. Nyob li tam sim no, peb kuj tau los rub cov tub ntxhais hluas los nrog peb khiav dej num, qhov no yog ib yam lom zem kawg rau lawd thiab.

Thaum lawd tham txog tag nrho tej teeb meem kev cov nyom uas tab tom muaj tshwm sim rau ib tsoom zej zog, lawd nthuav qhia tau ntxaws heev. Cov tub ntxhais hluas no tau piav txog thaum lawd tseem kawm ntawv high school, lawd muaj kev txaj muag tawm suab vim lawd tseem muaj kev ntshai, tiam sis thaum lawd los koom nrog HIP lawd kuj tau thim xav hais tias, “hais es yuav ua rau peb poob dab tsi?” Tam sim no, lawd muaj cuab kav tawm suab txog tej kev cai uas tsim muaj ib puag ncig. Nws yog ib qho zoo heev uas tau pom phaum thawj coj tub ntxhais hluas txheej tom ntej no cuag lawd lub hwj chim los mus hloov kom lawd tej kwv tij, nus muag, phaj tub ntxhais tsis txhob tau taug ib lub neej li lawd lub yav tas dhau los. Yam no yog yam kuv vam thiab pom txog rau cov neeg hluas txawv nqaij tawv li peb nyob rau sab Central Valley thiab yam no txhab ntxiv lub zog loj rau kuv.

Piav Txog Sab Central Valley

Sab Central Valley rau kuv mas yog tag nrho cov zos ntawm Stockton los mus rau Bakersfield. Thaj tsam Central Valley los kuj yog liaj teb. Nws muaj ntau hom neeg los nyob sib xyaw tiamsis kuj tseem coj cai heev. Kuv tseem nco tau txoj kev loj Highway 99 nyob rau thaum kuv loj hlob. Thaum tsav tsheb taug 99, pom tau hais tias muaj kev sib faib sib cais. Nws muaj txoj kev tshuam uas thaum hla dhau plaws, koj nkag los txog rau ib zag tsev uas nyob tau tshiab khi nlpua nuj ntxiag, uas txawv hlo koog vaj tse kuv thiab kuv cov phooj ywg tau nyob loj hlob.

Kuv cov phooj ywg thiab tsev neeg nco tau tej ntu ntawm txoj kev loj- “thaws saj zog” rau hauv ib ntu kev thaum tsav tsheb tuaj mus tshab cov nroog zos hauv Central Valley. Thaum tuaj tshwm plaws “thaws saj zog” ib theem rau hauv rau ntawm ntu kev ntawd ces paub meej tias tuaj yuav tshwm rau lub nroog Merced lawm. Kuv yeej hnov ua ntu zus los thaum lawd tso pem txog ntu kev ntawd ces paub lawm tias yog hais txog Merced. Thaum kuv hnov tej phooj ywg thiab tej txheeb ze tham txog mas yeej ua rau kuv tseem nco thiab ras dhuj dheev txog.

Txoj Kev Tos Ntev: Tej Xub Ke thiab Vaj Tse uas Tsim kho los tau Ntev

Raws li ib txwm, muaj ntau lub koos haum uas pab cuam rau cov neeg Southeast Asians uas tawg rog los nyob thiab pib dua tshiab. Muaj ntau lub koos haum uas tau khiav lub luag hauj lwm li no los tau 20, 30, thiab 40 lub xyoos dhau los uas tseem khiav lub hom phiaj li qub. Tsis muaj pes tsawg lub koos haum yuav xws li HIP uas tshwm sim

hauv California uas ua dej num ib yam thiab cog cov zeem muag kev ntseeg los xav ua hauj lwm thiab koom nrog [intersectionally] lwm pab pawg ntawm ntau haiv pej xeem uas txawv nqaij tawv.

Muaj ntau lub koos haum pab cuam kev txhawb nqa ncaj nraim rau qhov xav tau, yam no tseem ceeb tiamsis tsis tau hloov los mus tsim cog kev koom ntawm kev pab cuam thiab kev cob qhia. Peb tsis muaj ib lub koos haum uas raws nraim mus rau kev cob qhia lwm tus kom paub txog kev tawm suab thiab txoj hauv kev paub txhawb lwm tus, vim li no peb thiaj li tseem muaj ntau yam nyuaj thiab muaj kev tu ncu.

Txog Txoj Kev Txhawb Tsa Cov Thawj Coj

Yam uas nyuaj tshaj yog txoj hauv kev yuav los tsim tsa thawj coj li cas. Tam sim no kuv tab tom yog tus los tsim kho tus qauv txheej txheem, tsim cov tswv yim khiav teg dej num thiab yuav muab siv li cas rau qhov twg. Kuv tsis muaj ib tug neeg ntxiv los nrog kuv saib xyuas lwm yam hauj lwm nyob rau qhov koos haum no uas kuv pom tau tias tseem ceeb ib yam nkaus. Txoj kev los teev tseg tej txuj ci thiab tswv yim uas tau tsim muaj kuj yog ib qho uas khaws nyuaj kawg thiab.

Kuv muaj ib pab pawg tub ntxhais khiav dej num uas muaj pluaj siab hlub tshua txog lub zej zog ib tsoom pej xeem sawv daws vim lawd loj hlob zoo sib xws rau txoj kev noj nyob thiab kev ntseeg, tiamsis lawd kuj tseem kawm tshiab txog txoj kev los coj ua thiab coj caw. Nws yog ib qho kev zoo siab tau los pom lawd sawv daws hlab thiab tuav taug lawv lub luag hauj lwm. Ua rau kuv txaus siab heev vim nws ua rau kuv pom tau tias kuv tau ua qee yam mus raws txoj kev yog lawm.

Kuv ruaj siab rau kuv tus kheej tshaj thaum cov neeg ua hauj lwm pom thiab hais tau lub zeem muag nrog rau lub hom phiaj ntxaws ntxaws es muab coj los ua lawd tug siv rau txoj kev khiav lawv li dej num. Lawd tsis tas noog txog vim lawd yeej pom thiab xav tau txog txoj hauv kev rau lub zeem muag hais tias yav tom ntej yuav zoo li cas. Ua rau kuv xav tias “txaus siab heev- lawd nkag siab hlo lawm!”

Txhua zaus kuv mloog kuv cov neeg ua hauj lwm txuas lus nrog cov tub ntxhais hluas, thaum kuv hnov txog tias HIP tau muaj feem rau lawd lub neej npaum cas, nws txhawb kuv tus dag zog nrog rau txoj kev deb thiab dav rau yav tom ntej. Yam ntawd ua rau kuv muaj siab heev. Peb cov tub ntxhais hluas npaj txhij lawm. Cov hluas txhawb kuv lub zog los mus khiav num kom tsim nyog tshaj no. Muab lub sij hawm, tej khoom pab cuam, thiab tej txuj ci cob qhia, li ntawm 10 xyoo xwb peb yeej yuav pom tawg paj txi txiv thiab cov tub ntxhais hluas txheej niam no sawv los cuag ncu rau kev nom kev tswv thiab kev thooj siab koom cog nrog txhua txoj kev khiav dej num rau ntau theem siab.

Kuv yuav hloov tsis tau txoj kev xav rau ntawm cov laus, tiamsis cov tub ntxhais hluas yeej yuav pom txog lawd tus kheej lub suab thiab lub hwj chim. Cov hluas ua rau kuv muaj kev cia siab tias yam tsim nyog hloov thiab tshwm sim rau lub zej zog sab Central Valley no yeej yuav tshwm sim xwb.

Lub Zeem Muag 20 Xyoo

Kuv ib txwm xav txog txoj kev siv sij hawm los tshwm kev nqis peev uas yuav tau siv sij hawm ntev txuas ntxiv mus.

Kuv tau nrog kuv tus txiv tham txog cov chaw hauv paus (conservative foundations) uas muab nyiaj rau koos haum thiab hais rau lawd tias, "xav siv cov nyiaj no li cas los tau."

Yog peb siv tau lub tswv yim ua qauv li no, ces muaj ntau lub hwv tsam rau peb los mus tsim kho ntau txoj xub ke nrog rau tej vaj tse los mus tsim tsa thiab txhawb cov zej zog hauv Central Valley. Txoj kev nqis peev uas siv sij hawm ntev tseem ceeb heev los mus ntsuam xyuam kom lub hom phiaj tsuas muaj hlaw tsaus thiab nyob ruaj mus rau yav tom ntej.

Peb twb tuaj nyob no tshaj 40 lub xyoos. Peb tuaj nyob ntawm no nrog rau tiam ob thiab tiam peb ntawm haiv neeg Hmoob Americans, es lub neej theem tom ntej yog dab tsi? Peb tsis txhob ua tus tsis paub dab tsi. Peb yuav tsum sawv los tawm suab thiab siv peb lub hwj chim los pib hloov tej kev cai los mus txhawb thiab yoog peb tej zej zog es peb thiaj li vam meej thiab nyob tsaus muaj kev ywj pheej raws li kev xav uas peb ib txwm tau tham los thaum peb pib HIP 10 lub xyoos dhau los.

Yuav los khiav thiab txhim tsa ib lub luag hauj lwm mas tsis yooj yim thiab tib neeg yeej yuav tawm txoj num ntawd thaum qaug zog thiab sab. Peb tau los nyob khiav tej dej num no txog tav li no peb pom tias hloov ib qho me me zuj zus lawm. Li ntawm kaum lub xyoos ntxiv, peb yeej yuav pom yam peb xav tsim tsa kom muaj, thiab Kuv xav koom txoj kev zoo siab thaum kaum lub xyoos ntawd los txog, cim ntsoov tias HIP tau muaj feem nyob rau txoj kev tsim kho rau sab Central Valley thiab nqua hu txhawb tau ib pab thawj coj tshiab uas yuav los coj txoj hauv kev.